

宋丞相李忠定公奏議

宋丞相李忠定公奏議卷之五十六

道君太上皇帝升遐慰表

臣綱言今月初六日唯尚書省劄。正月二十五日三省樞密院同奉聖旨何辭奉使迴得。大金國右副元帥善具報。道君太上皇帝久遠和豫。厭世。丕遐禍變非常。五情崩潰。叩地號天。無所適及。凡在臣庶。悉同哀慕。臣已率在州官吏於今月初七日舉哀成服。訖者國家鍾九六之運鑿。輿有沙漠之行。遽厭棄於人寰。上賓於帝所。徒抱遺弓之恨。莫聞憑几之言。臣民痛心。天地改色。臣綱誠哀誠痛。頓首頓首。伏以道君太上皇帝聖由天縱。道本生知。儲精

十閩之間圖治百王之上遜揖侔於堯舜憂勤過於禹湯  
適遭醜虜之憑陵因致翠華之播蕩關河萬里霜露十年  
朔野馳心猶佇八龍之返使輅通問空經九土之悲恭惟  
皇帝陛下備極人倫敦崇聖孝孺慕不忘於宵旰深思欲  
見於羨墻嘗膽枕戈夙講奉迎之計問安視膳阻伸致養  
之誠罹此閔艱何以堪處伏望為宗社之大計副生靈之  
至情少抑聖懷俯從禮制冀冥穹之悔禍乘將士之奮忠  
報不共戴天之讎神人所助建中興復古之烈華夏永寧

寧德皇后上僊慰表

臣綱言今月初六日唯尚書省劄于正月二十五日三省

樞密院同奉聖旨何蘄奉使廻得大金國右副元帥書具  
報道君太上皇帝久違和豫厭世升遐寧德皇后亦已上  
僊禍變非常五情崩潰叩地號天無所迨及凡在臣庶悉  
同哀慕臣已率在州官吏於今月初七日舉哀成服訖者  
天柱傾而絕地維日華虧而沈月魄矧陟方於遐域充軫  
慕於聖懷承命震驚拊心摧殞臣綱誠哀誠痛頌首頌首  
伏以寧德皇后體儷宸極德合坤靈上皇資內助之賢淵  
聖嚴母儀之奉徽音流乎海宇懿範著於宮闈遵國步之  
艱難從鑾輿而出狩惟備嘗於險阻致或爽於興居間寢  
龍樓莫遂九重之養傳音沙漠空漉萬國之悲恭惟皇帝

陛下夙蘊孝思永懷慈訓以富貴處高而不得盡人子之志以兵威強盛而未能報敵國之仇忽凶計之遽聞諒至情之曷屢念四海亂離之未靖齊兩宮寄託之匪輕嘗膽有為冀創憑陵之耻茹荼雖痛罔寬哀慕之情用慰在天之靈是為報親之義

乞推廣孝思益修軍政劄子

臣伏觀皇帝陛下以奉使何辭回得金國右副元帥書報道君太上皇帝久遠和豫厭世升遐寧德皇后亦已上僊聖情追慕孝思罔極顏色之戚哭泣之六群臣不忍仰視俯於四方莫不殫涕雖遵國家舊制以日易月而宮中自

行三年之喪雖俯狗宰執百官之請乞降批荅始以軍事  
方棘不得已而從之猶施素纒聽政於几進之側聖孝隆  
厚度越百王簡冊所載未之有也臣聞之禮經曰父母之  
讎不與共戴天爲匹夫而能復讎者前史羨之况於萬乘  
之主乎金人不道以其詐謀陵中國破都城邀兩宮以北  
狩而置之漠北苦寒之野飲食衣服醫藥皆不得如意以  
至此大故此陛下不共戴天之讎也計音之來既不以時  
又以朝廷新有武功始遣使回具報凶問皆其姦計豈誠  
意哉遣發使人奔問諱日奉迎梓宮在人情固不可後然  
或從或違處其度內皆未可知臣恐議者又以此爲敵人

之重有害於吾自治自疆之術則在朝廷不得不先定其策也自建炎以來爲和議所設專務退避國勢日蹙主威日削失天下者太半方幸近年天啓宸衷悟和議退避之非爲治具進討之計天聲漸振虜僞震懼將有恢復之期儻或緣此墮其計中小不忍以亂大謀則爲害有不可勝言者矣昔新城三老說高祖曰明其爲賊敵乃可服高祖聽之三軍縞素爲義帝發哀率諸侯東嚮以誅項籍而漢楚勝敗之勢遂分今陛下詔屯邊將士不用舊例盡爲道君太上皇帝舉哀其策得矣臣聞將士感憤至有感哭連日不輟者人心戴宋追思道君太上皇帝恩德久而不忘

於此可見臣願陛下順人心承天意益廣孝恩施之行事  
枕戈嘗膽脩政攘戎以報不共戴天之讎以刷中國之耻  
一飲饅一寢興無不以兩宮大故爲念則必有合於天  
之願者矣匹夫之孝感動天地至有魚躍于冰荀生于冬  
者而况陛下貴爲天子富有四海孝悌之至通于神明聖  
心感格所欲其有不從者哉臣以愚直荷道君太上皇帝  
知遇雖嘗抵牾終不棄捐奉迎南都恩撫甚渥聞問哀慟  
不如無生惟有孤忠願納之陛下故敢罄其狂瞽不避斧  
鉞之誅妄有獻陳伏望聖慈不以人廢言與五六大臣深  
議而力行之天下不勝幸甚干冒天聰取進止

車駕巡幸建康起居表

臣綱言伏覩都進奏院報車駕以二月二十七日進發巡幸建康府者乾旋坤轉共知天意之回雷動風行頓覺皇威之暢御六龍以于邁也萬乘於要區三靈歡欣四海呼舞中竊以江左之形勝莫如建鄴之渾雒自昔稱帝王之州於今爲東南之會控引淮海襟帶江湖豈惟民物之阜蕃寔乃舟車之輻湊玉麟神璽晉以中興虎踞龍蟠吳資用武兵戈之後王氣方隆皇帝陛下慨國步之多艱憫帝都之未復因之天險濟以人謀高祖之固關中戰必勝而攻必取光武之保河內利則伸而鈍則蟠赤縣神州行逐

定都於河洛靈川沃野聊茲臨幸於江山方將張皇六師  
震疊中土駕馭貔虎於射屠鯨鯢掃陵寢之氣埃昇宗廟之  
鍾簏恢復故境再臻太平而臣謀被宸恩濫當閭寄雖長  
隄新廐竊慕於常丹所重鎮上流有歎於溫嶠心馳魏闕  
莫參駕鷲之行地近日畿益傾葵藿之志臣無任瞻天望  
聖激切屏營之至謹遣左朝奉郎充本司幹辦公事韓昌  
詣行在所奉表起居以聞臣誠惶誠懼頓首頓首謹言

論建中興之功劄子

臣伏觀車駕以仲春令辰發朝吳門巡幸建康斷自宸衷  
不貳不疑慨然有恢復上宇掃清中原拯濟烝黎戡定禍

亂克剪大慙刷耻復仇之志天下臣子莫不望風鼓竦扑  
蹈踊躍願少湏臾無死以觀中興之功誠甚盛之舉也臣  
竊觀自古建功立事扶持社稷之臣未嘗不以立志為先  
申包胥聞伍員有覆楚之言則曰我必存之其後哭秦庭  
以乞師卒如其志張柬之語武氏於荆南江中其後卒復  
唐祚垂祀三百一夫發念其烈如此而况以聖明之資為  
萬乘之主乎高祖之志見於不肯鬱鬱久居漢中而與韓  
信論定三秦之策光武之志見於披輿地圖於信都城樓  
上與鄧禹論天下大計此皆志定於前功成於後初似落  
落難合而卒能建大功立大名定大業功施於當年名垂

於後世載在典冊不可誣也恭惟皇帝陛下天錫勇智運  
屬艱難導養時晦之允應機立斷幡然改圖思欲撥亂與  
衰光復祖宗之大業故親總六師以臨江表捨去吳越而  
幸建康漸爲北伐之計志慮規模可謂宏遠矣臣願陛下  
益廣聖志擴而充之與神爲謀日新其德勿以去冬驟勝  
而自怠勿以目前粗定而自安凡可以致中興之治者無  
不爲凡可以害中興之功者無不去有所規畫措置必以  
天下爲度必以施於長久可傳於後世爲法則中興不難  
致矣夫中興於用兵止是一事要以修政事信賞刑明是  
非別邪正招徠人材鼓作士氣愛惜民力順導衆心爲先

數者既備則士奮於朝典安於野穀粟充盈財用不匱將帥輯睦士卒樂戰用兵廿年有不勝者哉方今黠虜雖強不仁不義事務變詐暴雷以脅制天下神經人憤莫之悔親自古豈有如此而能久立國者正如隆冬固陰沍寒層冰千里陽和既回應時消釋此理之必至無足怪也昔者范蠡說越王勾踐以持盈者與天定傾者與人節事者與地勾踐用之國以富強然又必以人事與天時相參然後乃能成功遂以報吳臣竊觀國家去歲諸路豐穰今春雨暘調適又將豐歲是在我者得天時矣正當脩人事以應之以我之無繫待彼之有繫則戡亂定功後不再籍夫何難

之有臣以固陋自靖  
以來與聞國論獨待  
戰守之策不敢以和  
議為然今十有二年  
矣孤危寡與屢遭謗  
誣仰賴聖明曲加照  
察脫身九死之濱今  
待承乏待罪方面恭  
聞戎輅臨駐江干將  
大有為以成戡定之  
烈欣幸之情倍萬常  
品顧雖衰病尚庶幾  
未填溝壑間獲觀陛  
下恢復中原懣憤千  
古志願畢矣輒罄狂  
瞽干冒天威

論舉直言極諫之士劄子

臣伏觀二月九日手詔以太陽有異氛氣四合令中外侍從之臣遵前後詔書多舉能直言極諫之士一人將誅以過失次第施行用承天意有以見陛下克謹天戒思聞讜

言銷弭變故次助中興之運甚盛德也臣竊考西漢舉賢  
良文學之士詳延千石如董仲舒公孫弘晁錯之徒不過  
對策一篇指明時政得失至本朝設賢良方正能直言極  
諫科始有進卷及試六論乃對廷策其六論題雜出於經  
子史注疏之間所以求早識洽聞之士號為制科其得人  
如富弼張方平夏竦皆致宰輔其次如錢易錢明逸孔文  
仲武仲蘇軾蘇轍兄弟之流皆為名士論議有補於國家  
然制科之舉貫穿古今一以洋浩涵非強記博識積以歲時  
未易能究其業所以朝廷近年復置此科未有應令者無  
足恠也今者陛下以天監之故詔中外待從之臣變前後

等各舉能直言極諫之士臣深慮有司拘以進卷六論牽制舉者難於得人無以仰副陛下咨訪闕失寅畏天戒之意臣愚欲望聖慈特降睿旨將今來所舉直言極諫之士與免進卷六論祇令對策于廷仍於制策內許其展盡無隱庶幾直言嘉謨得以上聞其進卷六論自以待應科目之士天下不勝幸甚取進止

乞不必遠召將帥劄子

臣伏覩陛下駕御將帥息禮兼隆至有不遠千里召赴行闕者燕射錫賚賜與優渥此誠足以得其心而用其力也將帥荷眷遇之厚爭先望天光而聆玉音竭蹶造朝惟恐

居後此亦臣子之至情然臣聞古之善為將帥者非有大  
事不去也所文帝欲勞棘門灞上細柳之軍則親臨之凡  
以三軍之命係於主帥機事之來間不容髮使帥不在軍  
敵人窺而知之卒有警急何以應敵今將帥既輕千里而  
入覲又有進對燕犒之留連邊境有虞誠不可不慮伏望  
聖慈留神深念自今非有大謀議不必遠召將帥如有燕  
賜之恩遣近臣即其軍中可也庶幾將帥得以畢精盡慮  
為陛下敵愾禦侮以圖恢復將來武功告成中國又安之  
後念功賞勞出於曲賜朝夕進見體貌有加鍾鼓不作別  
遣使以訪之惟陛下所幸耳愚慮所及冒昧以聞死有餘

罪惟陛下裁察取違止

乞差兵會合措置屢寇奏狀

契勘慶州管下盜賊多是舊來招安已受官資及已有差遣不曾起發赴任離去巢穴之人近緣知州孫佑措置討捕有討捕之意無討捕之術謀慮不密漏泄事機致令皆懷反側結集復行作過如周十隆張大開謝凱尹寶謝小鬼等頭項不一多者數千人少者數百人遞互入火劫掠鄉村殘破縣邑慶州管下如興國雋都化瑞金等縣並遭焚毀謝小鬼等近者侵犯吉州界分殘破永豐吉水等縣逼近州城又於太和萬載縣界內盤泊作過本司遣發

申世景下將官馬仙統押軍馬前去會合巡尉及吉州將  
兵追襲斬殺五百餘級殺獲首領蕭破洞賊勢方沮又遣  
統領官王彥將官王勝各統所部軍馬前去永豐興國縣  
界會合巡尉討捕張大開周十隆尹寶李安淨等除近據  
虔州將官曹綱申殺獲尹寶賊徒不計數目及據統領官  
王彥申已討蕩永豐縣賊沈三千軍生擒賊首殺獲三百  
餘人并據吉州申張大開已就招安見赴州公參及據虔  
州將官何榮申殺敗周十隆等復奪興國縣

送至贛縣

界殺死賊徒五百餘人又據將官馬仙申殺賊徐聳賊徒  
生擒徐聳已解吉州根勘本司已具逐項因依申朝廷外

緣近來周十隆與謝小鬼尹寶發黨及自餘賊徒丁二  
十一謝二十八花張細計明寶丁和尚呂添男謝凱陳八  
稜廖車頭十等互相合火人數衆多雖累次殺敗尚未衰  
息本司已劄下將官馬仙統領官王彥專一於永豐興國  
縣措置討捕并近蒙朝廷差到福建路統制李貴下軍馬  
前來會合今月初二日據李貴申已將帶所部軍馬前來  
慶吉州界首會合捉殺所有隨軍老小乞於吉州屯泊本  
司已劄吉州踏逐官屋及寺院屯泊並應副錢糧外契勘  
慶賊累年出沒作過正如溪洞徭人不復知有王化致令  
慶州一州財賦催理不行傍近郡縣皆被其毒爲害甚大

若朝廷必欲掃蕩巢穴窮究根株為一勞永遠之計非壓  
以重兵且招且捕將招出頭首并桀黠徒黨押赴軍前使  
喚使良民漸次歸業未見其可兼虔州南安軍見有廣南  
劉宣湖南李才古政譚城鄧宣方正等賊徒各數千人頭  
項不一李貴軍馬人數不多未可全然倚辦竊見湖北京  
西路宣撫使岳飛下軍將多在鄂州屯駐見於本路起發  
錢糧前去應副若乘此邊境寧息別無探報之時選擇得  
力統制統領官摘那數千人前來本路就糧權聽本司節  
制令與李貴及本路兵將會合措置不數月間決可平殄  
將來盜賊既平之後亦須且留李貴軍馬屯泊吉州與本

路兵將相為表裏彈壓使殘黨不敢復出嘯聚作過或有  
作過之人即時討殺此為得策若目前討捕不遣重兵只  
據見在兵將竊緣賊火數多官軍有限勢力疲之別無策  
應難以成功若將來賊平之後不別屯軍馬但以度賊付  
之本路將兵事力單弱必待殘破州縣暑害生靈一萬震  
擾迺始申告朝廷遣兵應援緩不及事為患不細兼處吉  
州殘破縣分賊平之後亦合體究着實蠲放稅租使民戶  
得以安業除已遣二朝奉郎本司幹辦公事韓岳詣朝廷  
稟議外伏望聖慈特降睿旨令朝廷詳酌措置施行

宋丞相李忠定公奏議卷之五十六

宋丞相李忠定公奏議卷之五十七

乞差趙不華等充招提盜賊官奏狀

契勘本路虔吉筠袁撫州南安建昌軍等處常有盜賊結集作過其初微細正緣巡尉不切用心向前緝捕漸至滋蔓及至會合諸處巡尉又無節制統一乍前乍卻遂令賊徒得生姦計招誘徒黨恣行劫掠暨遣官兵前去討殺賊徒即時分散藏伏更無蹤緒官軍既退又復嘯聚出沒作過若不別作措置深慮搔擾州縣殘害良民不得安業為患未已今相度欲於本司置措置招提盜賊官兩員不拘京朝官選人擇有風力材幹曾經捕盜有功績之人充上

項差遣依本司幹辦公事理為資任除身分請給外遇差  
出措置應本路州軍有盜賊竊發去處合行會合巡尉討  
捕招捉盜賊破券一道其供給等並於本司錢內支破應  
本路州軍有盜賊竊發去處合行會合巡尉討捕即差措  
置招捉官前去措置統率討捕其巡尉怯懦不肯向前之  
人並許申本司體究得實按劾奏聞庶幾巡尉有所統一  
協力向前不致誤事盜賊易得衰息今竊見右承議郎前  
知臨江軍新淦縣事趙不華右儒林郎筠州軍事判官馮  
汝嘉逐官委有材幹風力在任捉獲兇惡強盜人數甚多  
殺獲賊首鄒烏八及招到單子玆等績效尤著本司已保

明乞優異推恩外如蒙朝廷許置上項員闕即乞差前件  
官兩員克填

小帖子

契勘本路虔吉等州盜賊時復作過即與其他諸路  
帥司事體不同兼本司減罷文臣準備差遣五員外  
止有幹辦官五員節次蒙朝廷差委前去逐州催促  
軍器和糴軍儲等事委是闕官今來所乞措置招捉  
盜賊官兩員如止許時暫措置候盜賊寧息日罷亦  
乞朝廷特賜詳酌施行

契勘近日虔賊謝小鬼等侵犯吉州及張大開周十

隆等見在永豐興國縣界首作過本司已遣發兵將  
前去措置外其永豐縣又有一項李安淨嘯聚徒黨  
劫掠作過人數漸多契勘右承議郎前知臨江軍  
淦縣事趙不華見得替在洪州寄居本司已逐急依  
所得便宜指揮差本官權充措置招捉盜賊官前去  
統率巡討捕李安淨等外伏乞睿照

乞就都督府遣發得力統制官部押三二千人前  
來使喚奏狀

緣統制官李貴申屢賊周十隆節次差人前去說諭朝廷  
意許之自新前來公參其周十隆並不遵稟及故虛江

西安撫制置大使司所立日限反覆並不從招撫出參控  
近降指揮合行討捕兼准樞密院劄子若不聽從卽會合  
本路應干捕盜官兵等併力勦捕外竊緣周十隆所居巢  
穴係在山谷深僻去處徒黨衆多據貴所管官兵委是分  
布不着除已申慶州差發將兵外申本司乞差兵前來會  
合措置勦捕施行本司契勘所管申世景一軍止及一千  
餘人見今差出將官馬仙王勝孟通統領官王彥等前去  
討捕吉州賊尹寶臨江軍賊李安淨慶州慶化賊賴漏八  
袁州石鐵牌潘小叔等已起發過一千二百餘人委是無  
兵可以差撥竊緣周十隆等係慶州劇寇所養槍杖手三

千餘人謝小鬼二千餘人其餘頭首如謝先謝謀張收葛  
雲田王盧超張迪等各條招安已授官資差充諸州指使  
未曾赴任之人每名所發槍杖手皆不下三二十人從來  
並聽伏周十隆使喚今來周十隆既不遵稟朝廷指揮公  
參致令官軍進討決須嘯聚徒黨抗拒官兵若官軍人數  
單弱不能討捕即其餘頭項首領定須做倣作過為患不  
細本司累具申呈乞就便差撥岳宣撫下一項軍馬前來  
同共措置至今未奉回降指揮今據統制官李貴前項申  
述事勢迫急伏乞特降指揮早賜差撥或只就都督府遣  
發得力統制官部押三二千人星夜前來應副使喚不為

一兩月間決可擒捕周十隆謝小鬼等其餘首領亦可以  
重兵彈壓使之出離巢穴永絕後患

差官體究周十隆等受招安及令李貴差人入寨

告諭奏狀

勘會慶州興國縣管下有周十隆錢響謝小鬼等結集徒  
黨作過本司節次依奉朝廷指揮劄下統制官李貴措置  
招捕近雖據李貴申稱賊首周十隆等願受招安祇是發  
遣到次首領鍾珉錢寶劉集三名赴慶州公參外其正首  
領周十隆等各未曾出官公參及李貴所給公據五千道  
差人送入賊寨放散徒黨亦祇是據憑賊人具到人數給

與公據並不曾當官逐一揀放本司尋訪聞得賊徒收領  
公據在寨實未曾放散徒衆歸業見今依前恃嶮不肯出  
參遂差使臣李俊濟榜劄付李貴差人指引入寨說諭頭  
首周十隆等再限三日出官公參及令將徒黨當官逐人  
揀選存留強壯桀黠之人同正次首領並行解赴本司如  
出遠所立日限遷延不出即會合官兵併力措置討殺及  
具狀申奏朝廷夫訖續准樞密院三月十四日劄子爲周  
十隆累經招安返復作過奉聖旨除賊首周十隆一名不  
赦外其餘徒衆許其自新本司緣爲逐人已有願受招安  
之意及再立限差人入寨說諭亦於今月十一日再具因

依申奏乞依本司已下事理催促招諭做到司日依元降  
指揮特與招撫去後工二十二日准樞密院劄子周十隆等  
願受招安雖已降指下不赦緣今來既有自新之意理宜  
寬貸劄付本司指揮子貴疾速措置招撫及十三日再據  
李貴申備據興國縣狀稱周全錢響謝雲於三月二十三  
日赴縣出頭公參了當即時回歸各人本住處訖本司亦  
已不住劄李貴催促說諭正次頭首周全等依限赴軍前  
公參同揀選到強壯徒伴解發前來本司外今訪聞得統  
制官李貴備據興國縣所申周全等赴本縣公參即不曾  
入縣其逐人將帶徒黨槍杖手數百人前來城外下寨係

本縣知縣出城接見周十隆等便當公參并李貴先申周  
十隆等願受招安已給公據五千道前去其徒黨亦未放  
散除已差委本司准備差遣右承直郎錢受之躬親起發  
前去密切體究周十隆等的實受招安事理保明供申仍  
計會李貴差人入寨分明告諭周十隆錢響謝小鬼等體  
念朝廷寬大之恩催促依限同以次首領及一行徒黨赴  
李貴軍前公參逐一當官揀選被驅虜脅從及老弱等人  
放散外其強壯壯黠人并一行正次首領令李貴量留人  
馬在虔州彈壓將帶自餘人馬管押赴司出頭若違限遷  
延不出意在欺罔朝廷不稟本司指揮即行進兵捕獲

捕浪要擒獲賊首不管走透

小帖子

契勘屢寇自來作過遮相關借槍杖手以助聲勢本  
司切慮周十隆既不伏公參官軍進討必於諸頭項  
下借槍杖手已出榜曉諭今來官兵止是討捕不遵  
稟朝廷指揮周十隆謝小鬼兩人其餘首領謝先等  
不得關借槍杖手如有暗行關借之人本司察探得  
知將來朝廷遣發大兵並須一例討殺如有卻能擒  
捕周十隆謝小鬼等赴官並依賞格保奏推賞亦乞

睿旨

蘇老言卷之五十七 六  
辭免轉金紫光祿大夫奏狀

右臣准尚書省劄子四月十六日三省樞密院同奉聖旨  
李綱典藩踰年民安盜息寬朕憂顧宜有褒嘉可特轉金  
紫光祿大夫劄送臣照會仰荷聖恩第深感涕伏念臣孤  
陋無取叨冒已多久居患難之中但有退休之志設蒙恩  
獎起帥大藩詔旨屢頒不容遜避隨勉就職倏忽踰年雖  
殫夙夜之勤曾滅涓埃之補素餐之責啓處不遑迺蒙異  
恩特加遷秩無功之賞豈所敢當况今車駕巡幸建康江  
西一路號爲上流重地在吳則周瑜魯肅之所屯守在晉  
則溫嶠陶侃之所鎮臨且得精力克壯之臣付以禦侮

衝之任如臣不材衰病實難肩居伏望聖慈特降睿旨退  
寢成命仍檢會臣累奏陳乞一在外宮觀差遣任便居住  
庶幾晚節末路猶有可言天地大恩螻蟻難報所有特轉  
金紫光祿大夫恩命不敢祇受

周十隆不從招撫李貴進兵殺散乞差岳飛下兵  
就糧討捕奏狀

准樞密院都督府劄子樞密院奏勘會昨降指揮令李貴  
將帶全軍前去招捕虔吉盜賊其本軍已入江西界多日  
並未見申到招捕火數措置次第今據江西安撫制置大  
使司申虔賊周十隆等於今年正月內結集賊徒在虔化

等縣殺人放火作過大段猖蹶顯見本軍遷延玩寇不爲  
速行措置致賊滋蔓竊周十隆係累經招安授官後來反  
復作過理難容貸三月十四日奉聖旨除賊首周十隆一  
名不赦外其餘徒衆許其自新仰李貴統率官兵疾速前  
去措置招捕須管生擒周十隆其擒獲人依格推賞外更  
支錢一千貫招到徒黨並特免罪將脅從并老弱人放令  
歸業留強壯人隨軍使喚務要速得平殄無致遷延走逸  
滋長劄付本司催促措置招捕施行

右勘會前項周十隆等賊徒先准指揮令統制官李貴措  
置先行招撫如不聽從即會合兵將巡尉併力勦捕本司

遂不住催促李貴措置招捕近據李貴申差人齎旗榜入寨招安取到周十隆錢響謝小鬼等願受招安文狀只是發遣到次首領鍾珉等三名赴官外其正頭首周十隆錢響謝小鬼等未曾赴官公參本軍雖出給公據五千道差人送入賊寨放散徒黨亦止是據憑賊人具到人數給與公據即不曾當官逐一揀放本司尋訪問賊徒收領公據在寨實未曾放散徒衆歸業見今依前恃嶮不肯出參本司再於三月二十八日差使臣李俊等齎榜前去入寨說諭頭首再限三日出參又劄下李貴如周十隆等依得本司所立日限出官公參即將徒黨逐一當官選擇將正次

頭首并強壯桀黠人存留並行解赴本司其被虜脅從及不堪披帶人給據放令歸業如出遠今來所立日限遷延不出卽會合官兵併力措置討捕今准前項聖旨指揮除周十隆不赦外其餘徒衆許其自新等事理本司契勘今來周十隆錢響謝小鬼等本司已依元降指揮再立日限差人前去說諭出官公參未到若便遵依今降指揮施行緣一行徒衆皆係久來附從周十隆作過之人竊慮本人誘惑驅率別致走透終害平民卒難殄滅欲乞候見得周十隆等如依得本司差人說諭赴官公參揀放徒伴了當卽候解發到本司日依朝廷元降指揮特與招撫若依前

伏出首即依今降聖旨指揮周十隆不赦行下統制官  
李貴等措置併力討捕施行更合取自朝廷指揮

小帖子

契勘本司累具奏聞并申樞密院都督府乞就湖北  
京西路宣撫使司差撥兵將前來討捕虔賊未奉回  
降指揮今來朝廷灼見周十隆過惡已降聖旨指揮  
不赦勢必用兵討捕竊緣虔州將兵係是土人多與  
賊情相通互相閃避不肯用命兼有其餘賊火分箠  
前去捉殺所差到李貴下軍馬人數不多及本司官  
兵亦是單弱難以分布把截要害去處使不致走透

深入巢穴必可擒捕今來只乞就岳飛下差撥三千人前來本路就糧討賊不過三兩月間便可討蕩又緣周十隆係虔州前後作過群賊所宗若就擒捕其他群賊皆可措置平殄既已降指揮不赦而兵力不能勝之卻致揭蹶則爲害必大伏望聖慈特賜詳酌早降睿旨施行

契勘軍行糧食爲先若差他處軍馬前來討捕虔寇即須又有錢糧之費如蒙朝廷就近差撥岳飛下軍馬即於本路就支錢糧實爲利便亦乞聖察

宋丞相李忠定公奏議卷之五十七

宋丞相李忠定公奏議卷之五十八

同諸司乞兵應副本路急闕使喚奏狀

契勘本路自今年正月以來致已受招安人周十隆謝小  
鬼錢響等作過兼朝廷差到統制官李貴部押軍馬前來  
措置招捕至今未見了當其鄰近州縣素來兇悍不逞之  
徒遞相做做嘯聚猖獗頭項不一帥司雖隨宜遣發兵將  
前去討捕緣軍馬單弱分俵不着以此賊徒窺見官軍次  
第無所忌憚結集火數漸多滋長難制雖累具中奏朝廷  
就便遣發軍馬前來應副使喚至今多日未奉回降指揮  
遂司照對目即本路虔吉撫州南安臨江建昌軍管下皆

有盜賊作過日逐不住擾遂州軍申乞差兵收捕逐項盜賊帥司見管統制官申世景下入兵節次差出外別無兵將遣發今再具日近據州縣申到盜賊及已差發兵將措置討捕下項

一 夔州興國縣賊首周十隆謝小鬼依奉朝廷指揮令催促統制官李貴措置招捕近據李貴申逐人願受招撫除已發到錢響一名見在軍前外其周十隆謝小鬼等並不體認朝廷寬恩許令自新之意一向推托不肯前來公參及給去公據亦不曾放散徒黨發遣帥司再立日限見依朝廷指揮會合夔州府

殺未見了當

一據撫州等處申有虔州虔化縣賊賴花十九賴瀾八  
賴二十四賴十七及客賊李八盧四程念八鄧軍四  
羅賴九等糾合一千餘人先侵建昌軍南豐縣界以  
次撫州宜黃臨川崇仁縣衝散官兵殺人放火劫掠  
作過帥司已差申世業下將官王勝管押軍兵二百  
餘人前去會合巡尉討捕及就差見在水豐縣捕賊  
統領官王彥軍兵四百餘人取徑路前去措置掩捕  
未見申到次第

一近據袁州申萍鄉縣界見有湖南賊石鐵牌及王權

蘇勝陳老虎殘黨并吉州安福縣潘小叔賀和尚等  
賊數頭項合成一火劫掠作過本州差官兵巡尉收  
捕兩次衝散殺死弓兵不少見今猖獗人數已及七  
八百人別無官將捍禦委是危急帥司已逐急差元  
在吉州捕賊將官馬仙三百餘人前去討殺至今未  
見申到次第

一據臨江軍中賊人李安淨等雖被統領官王彥殺獲  
一百餘人生擒次首范少七等一十餘人外見有賊  
首李安淨并殘黨未獲出沒作過已差將官孟孟  
馬討捕未得了當

一據吉州申賊徒尹寶等雖被將官馬仙殺散及擒獲  
尹寶全家父母妻子等有賊首尹寶等殘黨依舊孺  
聚作過未得了當

一又據吉州申有永新縣賊王該等嘯聚四百餘人劫  
掠作過及秀去慶州節推劉彥登家屬見差巡尉前  
去招捕未獲

一據南安申近有侵犯城下作過賊人丘明殘黨古政  
芳正劉思同方全朱明譚誠鄧宣等一千餘人見在  
管下沙村等處作過帥司已劄差慶州將兵三百人  
前去本軍同巡尉措置討捕未見申到了當

一據慶州申瑞金縣賊蔡居道等糾集徒黨二千餘人拘執催稅官權縣裴汝三殺死人吏弓兵等劫奪去係官錢物見委官前去體究及劄下慶州差將兵前去措置未見申到次第

一契勘慶州管下已招安有名目差遣不曾起離巢穴之人除周全錢響外見有張叔謝先謝謨萬雲田玉謝響盧超張迪等十數人各立山寨收養槍手各係三二千人平時聽從周全使喚今來李貴進兵其周全已與張叔同共作過竊慮餘人反側不安別致生事帥司除已劄下本貴止係捕周全謝小鬼外不得

以捕周全為名播擾其餘已受招安人引惹生事  
帥司雖已出榜曉諭亦須歷以重兵使懷反側之人  
不敢作過

右逐司契勘本路見有前件賊火頭項不一帥司雖已分  
遣官軍前去收捕緣止有申世景一項軍馬除火頭輜重  
外可以出戰不及千人差出討捕每頭項不過三百人伺  
候一處賊勢稍衰又移往一處討捕其差出兵將例皆暴  
露日久疲乏別無人兵可以策應抵替其李貴所部軍馬  
人數亦是不多深慮賊徒結集愈眾輕視官兵轉見滋蔓  
侵擾州縣難以制禦欲望聖慈體念一路事理非輕特賜

睿旨檢會帥司累奏就都督府差撥一頭項軍馬三五千  
人前來本路應副急闕使喚候盜賊寧息即時發遣歸元  
來去處所貴有所倚仗臨時不致誤事

再辭免轉官奏狀

右臣近准尚書省劄子備奉聖旨以臣典藩踰年盜息民  
安宜有褒嘉特轉金紫光祿大夫尋具奏辭免伏蒙聖旨  
降詔不允臣不勝惶懼感激之至臣竊以帥守之職當任  
一路之責非若列城膺一郡之寄而本路自今春以來屢  
寇作過驚擾旁郡雖遣兵討捕尋即敗獲然以軍馬單弱  
之故未能掃蕩巢穴窮其根株以寬朝廷憂顧罪戾是重

何功之有儻以盜息民安爲名以冒賞典公議請何非焉  
臣所未安實亦有累國體兼臣嬰以衰病請閑見患瘡焉  
父在假故深慮妨廢職事後仍煩言伏望聖慈特降睿旨  
追寢成命以安愚分仍乞檢命臣累奏除一在外宮觀差  
遣任便居住異時蒙被驅策極廉捐干冒天威無任戰  
越

唯省劄催諸州軍起發大軍來奏狀

今月二十二日唯行在入內內侍省降到金字牌御封六  
月十七日尚書省劄子節文降到指揮令江西轉運司於  
去年上供等米內起發五十萬碩前去江州樁管除近除

豁二萬二千二百餘碩充

路數內多科之數一萬碩應

副洪州一萬碩處州減免

外有四五萬七千七百餘碩

雖近據達遵判具到已發四萬七千碩亦未見申到的實

起發綱解契勘朝廷見行措置軍事其上件米斛旦暮便

要支遣不可少有稽緩右設軍食右已劄下轉運司據未

發米斛限七月十五日必須管一切數足外劄付本司更

切嚴緊催促施行本司已即時牒轉運司遵依聖旨指揮

火急催發施行去後今據轉運副使逢汝霖徐林公文契

勘本路上供額米係以秋苗椿辦自經兵火之後多有出

闕及間有災傷年分所催稅賦例皆不及舊額其上供六

數逐年並蒙朝廷除豁抵以實催米數起發照對上供米  
舊額一百二十六萬九千碩會計紹興六年一路實催秋  
苗止有九十八萬三千三百五十九碩一斗六升雖蒙減  
免止供一十六萬九千碩外猶一十一萬六千石係是實  
催苗米外虛數無所以出并和糴米減免三萬外收糴三  
十七萬石緣虔筠州日有盜賊收糴未足截日終已糴三  
十四萬三千五百九石六斗五升及紬絹折納米五萬六  
千八百一十三石六十九升三合已上三色共寔合發米  
一百三十八萬三千六百八十二石五斗三合依准逐次  
所降指揮科撥內二十萬石應副行營左護軍四十萬石

岳太尉三十萬石張少保十一萬七千一百四十三石七  
斗六升三合就支外只有三十六萬四千八百七十二石  
一斗係元撥付江州及改撥行營左護軍米應副老小江  
州樁管之數近准五月四日都督府劄子指揮於上件改  
撥米內轉發八萬石往廬山截日通已支發過江州樁管  
米共一十萬一百石外自餘未發江州米二十六萬餘石  
見曉夕極力催督起發緣木路遼年所催秋苗盡充上供  
外諸州不無逐急侵用數月見據洪州申科折糶米一萬  
三千餘石折科馬料七百三十七石并據虔州申秋苗上  
納到四萬餘石遣兵招捕盜賊調發將兵支過口食別無

從出不免侵支上供米九千一百餘石已係知州孫佑自  
劾申奏及吉州甲廬陵吉水永豐太和縣共八千三百七  
十八戶委被虔賊燒劫逃移去年二稅無從催理已委官  
覆實及申尚書省乞行閣放兼虔州南安軍盜賊未息見  
象朝廷遣兵收捕有合除豁數目並在上項實催苗米之  
內其合起赴江州米即無四十五萬七千七百餘石之數  
本司已節次開具前項秋稅不及舊額等因依供申朝廷  
乞以實催糴到米數起發去訖今准前項指揮本司除已  
遵依繁行催督逐州軍據合發米數火急依限起發外申  
本司并帖子契勘本路逐年實催苗米每歲侵支殘欠常

不下十餘萬石且如紹興三年計一十八萬九千二百餘石四年計三萬三千五百餘石五年係旱傷實催數少亦計十萬一千餘石所有紹興六年實催計九十八萬餘石比之遞年數多又緣盜賊未息且約侵支殘欠一十五萬石其未發江州米二十六萬餘石若除上項侵支殘欠一十五萬石約止有未起發米一十一萬餘石通已發過一十萬餘石共計二十一萬餘石係江州椿管之數又小帖子契勘所催秋苗從來每年有人戶殘零拖欠比年以軍事緊切督責州縣履行拘催如吉州有官人蕭嗣宗郭振民臨江軍鄒迪功等皆是抵頑不納稅賦並具申朝廷已

行遣以此可見本司與州縣非不用心督責嚴切止緣  
民戶凋殘盜賊尚多不無拖欠之數伏乞照會

右勘會江西一路自兵火殘破之後又經旱災人戶凋耗  
雖去年稍得豐稔人戶未盡歸業田土荒廢尚多謂如洪  
州分寧奉新等縣人戶所存纔有十之三四其餘縣分號  
為多處不過十之六七通一路計之多寡相補纔及承平  
之半稅賦自然難以及額又加慶州累年盜賊猖獗稅賦  
徃徃催科不行吉撫筠袁等州亦有盜賊殘擾去處遂致  
苗稅亦多拖欠若不以實入之數起發上供一切督迫州  
縣必歆及承平額數不惟無所從出兼恐州縣不免數外

科數重困人戶非獨不足以仰副朝廷寬恤之意亦使官吏虛負罪責所有轉運司具到前項因依伏望聖慈詳酌特睿旨施行

謝賜夏藥并銀合茶藥表

臣綱言伏蒙聖恩特降中使傳宣撫問賜臣暑藥兼銀合茶藥臣已望闕謝恩祇受訖者閩藩方之修扞深軫天慈賜御府之匪頒遠迂星使拜恩優渥拊已凌兢謝中皇帝陛下道格天淵仁漸動植總英豪而駕御復土宇之版章知臣下之勤勞載隆體貌當炎蒸之鬱敦特示眷存北苑靈芽滌煩銷渴上方珍劑愈病析醴顧臣何人亦膺此賜竭

大馬之力願盡瘁於衰年進藥石之言誓少酬於鴻造

謝轉金紫光祿大夫表

臣綱言伏奉告命特轉金紫光祿大夫累具奏辭免蒙降詔不允不得再有陳請臣已望闕謝恩祇受訖者假守踰年未塞剖符之責誤恩增秩更叨出綽之榮雖具列於危

棕曾莫回於淵聽仰承明命彌切厚顏

謝中伏念臣猥以瑣

才幸陪休運荷分閫一方之寄折長江千里之衝撫字雖勞曾未蘇於凋瘵芟夷無術初莫變於烈軫乏龔遂渤海之能愧汲黯淮南之洽佩牛帶犢舊習猶存裘甲藁弓茲風未見宜在黜幽之典乃蒙褒進之恩抗章莫遂於楮塲

拜賜實同於臨谷寵光若此報稱謂何此蓋伏遇皇帝陛下盛德包荒至仁善貸執賞罰之大柄示磨勵之宏規每於臣鄰曲加體貌致此懋賞濫及孤蹤臣敢不深體恭懷益思勉勵竭犬馬之力雖莫報於乾坤遂麋鹿之心尚有祈於君父

宋丞相李忠定公奏議卷之五十八

宗丞相李忠定公奏議卷之五十九

應副新虔州張翥錢糧在職待罪奏狀

勘會近奉聖旨令湖南差統制官步諒軍馬前來江西會  
合李貴措置盜賊權聽本司節制其步諒統押官兵已到  
吉州本司尋行差撥前去虔州駐劄措置盜賊權聽新知  
虔州張翥使喚去後今月初七日據張翥申契勘統制官  
步諒軍馬一行錢糧依先降指揮合係本路轉運司應副  
今來轉運司只行下虔州令於稅米內支錢於應副安撫  
司錢及轉運司八色錢內支緣虔州見今盜賊縱橫諸縣  
道路不通財用闕絕訪聞六月內支軍糧米尚欠二百石

支遣不過七月已後月分各合支七千餘石未有一粒至  
十月方納稅米見今委無稅米可支八月冬衣錢合支五  
萬貫九月賞給錢合支二萬貫亦未有一文近蒙轉運司  
差屬官前來剗雖平準務本錢並已剗盡絕委實無  
錢可支竊慮步諒軍馬到州目下並無錢糧決致生事骨  
恭依聖旨指揮前去赴任已到吉州訖為見虔州闕乏實  
是怯懦逗留不敢前去交割除已具狀申朝廷乞賜先次  
罷黜外乞指揮移文轉運司真實那移錢米應副施行勘  
會新知虔州張鬻近因經由洪州赴本司稟議有劄子稱  
虔州闕乏尤甚官司窘迫目下經營無緣便有所濟乞本

司支借錢米專充招捕盜賊使川本司已於昨得朝廷指  
揮帶糴米內支借米五千石於回易錢內支借一萬貫并  
支物貨等紐計二千餘貫應副前去訖今又據前項申述  
契勘虔州緣諸縣各有盜賊難於催科及本州官吏有失  
措置遂致財賦大段闕乏目前已是闕乏錢糧支給官兵  
請受今來步諒一軍雖蒙朝廷指揮許於湖南樁撥錢糧  
應副文移往返卒未能副目前支遣其轉運司所撥名色  
官錢多係本州日前使過即無見存之數又有軍衣賞給  
等數目浩瀚本官到任之初委難責辦若非朝廷特降指  
揮應副決致誤事本司照對見管朝廷出賣鈔引錢一面

逐急於數內支撥一萬貫并再於帶糴米內支撥三千石  
給付本官及牒轉運司將實管錢米輟那應副虔州目前  
急關并劄新知虔州張甯催促起發星夜前去赴任外所  
有虔州自餘闕乏錢糧伏望聖慈特降睿旨施行

貼黃

契勘本司累具奏聞乞將本路上供錢米應副李貴  
兵馬支遣却於福建路撥收元贍養李貴軍馬錢糧  
起發上供及將本路月撥錢應副步諒軍馬支用却  
令湖南椿收元贍養步諒軍馬錢糧就近發往鄂州  
未奉回降指揮竊緣本路州縣錢米除上供月撥外

別無寬剩之數若朝廷止令轉運司趨那應副委是  
無從所出伏望聖慈速降睿旨與決施行

乞屯兵江州防秋奏狀

臣竊聞思患預防與事來報應者利害相去甚遠平時不  
思為預防之計及事至而應豈不有誤國家之大計耶目  
今偽齊之兵為劉光世擊敗於淮淝之上其餘破亡殘黨  
散走嘯聚往來於淮西之間蘄黃兩州既有岳飛等軍屯  
駐鄂渚分布策應照得蘄黃兩州與江州實為對境蘄黃  
即江州之脅背江州即江西之咽喉也萬一敗亡之卒批  
亢擣虛延入內地使不預為之計臨時緩急調發於他郡

則受敵之際旁需救援豈不誤事哉况蘄黃等州與江州  
煙火相望通淮之路大小十數馬行不過三四日步軍不  
過七八日便抵江面若無屯駐軍馬防托要害受敵必速  
池郡救援非月餘不至何益於事臣竊謂淮西之舒蘄與  
淮東之通泰事頗相類京口無兵則無以護通泰九江無  
兵則無以援舒蘄舒蘄不守則江西受敵矣臣已依指揮  
將江西等州兵將許臣勾抽使一喚照得江西盜賊已漸寧  
息將逐州所屯駐兵勾抽一半起發分布控扼所有一半  
仍舊屯駐討捕盜賊未至淨盡去處其隸將兵雖例前去  
差撥竊慮逐州占吝不為發遣累蒙朝廷差到李貴步諒

人兵皆在慶州措置盜賊相去爲遠緩急難以勾抽使  
沿江一帶險要去處並無人兵分布防守況車駕駐蹕建  
康如江州等處最爲上流重地又與去年防秋事體不同  
理宜分屯大兵以爲控守朝廷必已行下措置本司並不  
曾被受指揮伏望聖慈特降<sub>出</sub>旨早賜詳酌施行

措置本路盜賊奏狀

契勘臣去年春夏間到官之初適當旱歲米斗至于餘錢  
盜賊稀少蓋緣遠方之民但見朝廷除本路安撫制置大  
使意謂所統軍馬必多巨寇既不敢起小盜隨亦寧息至  
今年春因慶州官吏失於撫循引惹生事致周十隆謝小

鬼等殘破屬邑侵犯吉州永豐吉水等縣本司差將兵前去討捕每頭項不過數百人巢穴然兵力單弱不能深入一項軍馬前來與賊相持山克徒窺見官軍勢力弗強皆米狼疾斗米不過百錢而鼠之也度化賴隔八揚三十四頗飄暴本司遣統領官王奇知縣王時率弓兵土豪深入其類漏八等亦為土豪所以見擒捕到徒黨數十人付擬

州建昌軍推治袁州萍鄉縣有湖南及吉州太和縣賊徒石鐵牌鍾牛皮賀和尚等嘯聚作過本司遣申世景下將馬仙將所部軍馬前去討捕並已招捉了當筠州高安縣近有熊青等賊徒去城數十里劫掠人戶知縣步汝霖縣尉李暉年躬親前去討捕為賊所害及殺傷官兵弓手土豪甚衆本司遣發統領官王彥前去討捕已擒獲賊首熊青等八名解赴本司凌遲處斬訖并斬賊徒一十六級見委巡尉搜捕殘黨唯是吉州永豐縣賊首李安淨出沒於崇仁新淦永豐等縣作過雖中間為王彥殺獲徒黨一百二十餘人又復嘯聚至今猶未敗獲不逞之徒往往借其

聲勢劫掠村疇本司近已再遣王彥自筠州前去會合已遣軍馬須管於日下捕獲外撫吉筠袁等州目下別無作過盜賊惟是虔州周十隆謝小鬼與其餘已受招安不離巢穴之人如張收等十數項賊徒深慮秋冬之交結集作過又有劉宣一項賊馬見在本路與廣東兩界首及古政李才等數千人見在湖南與本路兩界首來往作過今冬勢須過為隄防臣已與新知虔州張覺商議措置屯李貴步諒兩軍於旁近遣元係本州招安使臣羅武賴勝錢譽等入賊說諭周十隆謝小鬼張收等令放散徒黨赴州公參與免罪犯不奪已補官資其家依舊聽納租稅因令擊

家居於州城漸次遣發赴本司聽候朝廷指揮其有不從者會合軍馬討捕更不招安庶幾革去舊習不至養成後患所有劉宣古政李才等賊徒一面遣發東南第六將兵前去討捕伏望聖慈降旨朝廷更賜指揮施行

乞戒約捕賊亂行斫級希求功賞等奏狀

契勘本路州縣管下遇有盜賊作過遣發官兵前去討捕其統兵招捉官多是逼逐賊徒出界或擒獲到些小徒伴便於申報捷狀內備習近年體例妄稱與賊見陣棄頭不斫追殺數十里橫尸遍野墮落崖谷滄瀾江河不知其數殘零賊徒別無贖緒其招到賊火亦不令出公參及揀選

存留強壯人止稱並已給據放散遂致賊徒得為姦計聚散出沒終不敗獲兼保明功狀難以覈實推賞本司已行下統兵官仰今後捉殺盜賊告諭士卒如遇見陣殺敗賊徒並須要斫到首級赴官驗認其生擒之人不得殺戮盡數押赴統兵官軍前驗實送解所屬根勘如在兩界首討捕不以遠近追襲即不得以趕散出界為名便行抽回軍馬仍仰統兵官置籍錄記立功姓名狀具的確見陣得功因依殺到首級及生擒人數結案保明供申以憑委官檢驗陣場覈實推賞仍戒約不得亂將平民殺害斫級充數希求功賞如本司覺察得知其亂轄官部隊使臣以下並

官次第重有行遣若委有過遂落崖溺水之人亦仰統兵  
官驗實保明的確死損人數同申即不得依前泛濫供報  
如遇招安賊火仍遵依前所行指揮盡要正次首領出官  
公參拘收器械燒毀寨柵將一行徒伴揀選強壯堪披帶  
之人並行存留在軍具數申取指揮施行外伏望聖慈特  
降睿旨令朝廷更賜詳酌行下庶幾有所遵守

約束統兵官招捕盜賊奏狀

勅會慶州管下見有克賊周十陸謝小鬼等結集作過累  
准朝廷及都督府指揮令本司催督李貴措置招撫如不  
聽從即會合將兵討捕本司尋行下李貴催督遵依施行

及十三次劄下慶州四次劄下東南第六將催差將兵起發去會合討捕六次據慶州申承李貴申周十隆等不從招撫乞差將兵前來討捕已帖將官曹綱日下部領將兵前去本司續又五次徑劄下曹綱催促進發至五月初五日據李貴申周十隆等不從招撫已兩次進兵殺敗賊徒外賊首周十隆謝小鬼及自餘賊徒走散未獲已申慶州乞差將兵巡討前來會合討捕至今未到本司遂行下取問本州及將官曹綱具折違慢不即起發將兵前去會合因依及具狀申乞朝廷指揮施行去後又經多日並未曾據曹綱申到已起發文狀五月二十二日據慶州五

月十四日狀中方稱見帖將官曹綱部領將兵日下起離  
前去會合李貴討捕又未見得委的曾與不曾起發顯是  
將官曹綱全不體認朝廷累降指揮及不聽從本司節制  
致誤會合討捕走遠賊徒緣本州相去虔州及東南第六  
將地里遙遠每有行下調發等事動經旬日方到今來本  
州管下見有盜賊作過頭項不一似此帥司號令不行緩  
急必致誤事欲望聖慈特降睿旨施行

乞將上供錢米應副李貴軍馬奏狀

右臣契勘近蒙朝廷以本路見有盜賊闕兵討捕差到李  
貴步諒兩軍人馬除步諒壹軍撥就虔州駐泊已奉指揮

以月椿錢應副卻令湖南收簇撥還湖北宣撫司外有一  
軍見在吉州駐泊雖與步諒人數不相遠然請受則例過  
之三倍步諒一軍月費錢四千餘貫米八百餘石李貴一  
軍并老小月費錢一萬二千餘貫米一千四百餘石本司  
累具申奏乞令本路將上供錢米應副贍養卻令福建路  
收簇撥還未奉回降指揮止是令轉運司撥那應副轉運  
司亦別無擘畫止是令州縣自行措置目今撥吉州申錢  
糧闕乏無可應副竊慮別致生事臣契勘見今屢吉間盜  
賊雖節次討捕稍安巢穴緣巨盜頭首如周十隆謝小鬼  
劉宣古才尹寶等並不曾捕獲遞相結集至秋冬之交

須作過若有錢糧贍養李貴一軍存留本路彈壓庶幾  
時不致猖獗若錢糧贍養不足日有目前之憂即將來盜  
賊亦不暇恤李貴在福建與本路贍養之費惟均而利害  
相萬伏望聖慈特降睿旨令朝廷更加詳酌如李貴一軍  
別無錢糧應副贍養即乞於岳飛軍中差撥三二千人前  
來本路就用錢糧彈壓討捕其李貴軍馬候岳飛下兵將  
到日發回福建路駐劄仍乞早降指揮施行

宋丞相李忠定公奏議卷之五十九